



*Jumat, 23 Oktober 2020*

**Ogen : Ester 4 : 12-17**



**Ngelawan Kinilaadilen**



La sitik ketidakadilan jadi i bas kegeluhenta, iandingken bagi si naka buluh sada iidedeh sada nari iangkat. Kalak si idedeh e megati jadi korban. Iapuli ia alu ngataken kam megegeh, tapi labo ibereken ruang man bana ngelawan si la adil e ndai. Megati jadi korban e ka si isalahkan, la lit si mbelasa, tupung pang ia ngerana i bas kai si inanamina, ia iremekhen ras dungna pas bagi nina kuan-kuan enggo ndabuh, itindih redan ka si enda erbahansa kote. Tabah labo dalam arti pasrah enggo pengindo kai si jadi man bangku i bas geluhku. La bage tapi tupung kita ngalaken si la adil e arus pang kita ngelawansa. Ketabahren la banci ipake sebage pembenaren i bas ketidakadilan bagepe kejahatan. Si enda min arusna lit i bas kita kalak si erkiniteken maka proses si erbahansa kita megenggang. Ketabahren eme sikap perlawananen tanpa kekerasan sebage perlawananen nandangi si la adil e. Si lawan labo alu kekerasan, silakoken sie alu ketabahren eme megenggang i bas Tuhan.

Tupung bangsa Israel ndatken ketidakadilan, ngerana Mordekhai man Ester kemberahen Raja gelah banci min bangsa Israel si lit i Susan selamat. Emaka Ester mindo man Mordekai gelah tupung Ester ngerana man raja banci ia selamat isuruhna kerna bangsa Israel si lit i Susan ertoto dengen erpuasa. Labo ia sinik, tapi ilawanna alu ngelakoken puasa ras ertoto, i je me kemenangen si igejapkenna. Anem gia Ester ngelawan aturen raja sabap kemberahen raja banci reh njumpai raja adi idilo raja, emaka Ester ngelanggar aturen raja guna nelamatkan bangsa Israel. Gegeh pertoton ras puasa sinilakoken bangsa enda maka dungna bangsa Israel selamat i bas kematen nari. Dage arah kai si jadi renungenta sendah maka kita selaku diberu, Moria, adi lit si idah ketidakadilan ula kita sinik tapi arus kita ngelawan tanpa kekerasan.

*🔪 Kinilaadilen labo banci menang, kecuali sibere ia menang*